

মাসিক
১৫ নং খণ্ডে ১৫৮ পৃষ্ঠা ১ মে-৩০ জুন ২০০৭ সাল

ত্রুজুমান

The Monthly TARJUMAN



- শাহানশাহ্-ই-বেলায়ত হযরত আলী (রা.)
- হযরত আলী ও আমীরে মুয়াবিয়া (রহ.) এর মতানৈক্য ইজতিহাদী
- প্রেমাপ্পদের পথে



মিশরের একটি মসজিদ

হযরত আলী ও আমীরে মু'আবিয়া রদিয়াল্লাহু আনহুমা 'র মতানৈক্য ইজতিহাদী

মুফতী সৈয়দ মুহাম্মদ অছিয়র রহমান

[হযরত আলী রদিয়াল্লাহু আনহু ও হযরত আমীরে মু'আবিয়া রদিয়াল্লাহু আনহু'র মধ্যে মতবিরোধ এবং একে তেঙ্গ করে বিভিন্ন মতবাদের জন্ম
মতবাদের কারণে নানা বিভ্রান্তি ছড়ানো হচ্ছে। এ দু'জন মহামর্যাদাবান সাহাবীর মতানৈক্যের কারণ এবং এর সঠিক বিশ্লেষণ কী? তা জানতে
চেয়েছেন জামেয়া আহমদিয়া সুমিয়া আলিয়া'র শিক্ষার্থী মুহাম্মদ শেখ সাঈদী, নূর মুহাম্মদ, নজরুল ইসলাম ও মুহাম্মদ মান্নান
ওশীদ। তাই এ বিষয়ে ততোয়া আকারে বিজ্ঞপিত ব্যাখ্যা দিয়েছেন বিশিষ্ট ফকীহ মুফতী সৈয়দ মুহাম্মদ অছিয়র রহমান।

ইসলামের ইতিহাসে মাওলা আলী শের-ই খোদা হযরত আলী রদিয়াল্লাহু আনহু ছিলেন একাধারে হুজুর পাক সাল্লাল্লাহু আলায়হি ওয়াসাল্লাম'র জামাতা, খোলাফা-ই রাশিদীনের অন্যতম বিশিষ্ট সাহাবী, বিজ্ঞ রাজনীতিবিদ, সুদক্ষ শাসক এবং সুনিপুণ রণকৌশলী।

আর হযরত আমীরে মু'আবিয়া রদিয়াল্লাহু আনহুও ছিলেন ওহী লিখক ও দক্ষতা ও বুদ্ধিমত্তাপূর্ণ বিশিষ্ট সাহাবী; ব্যক্তিত্ব ও কর্মদক্ষতার বলে তিনি প্রায় ৪০ বছর একাধিক পদে ক্ষমতার মসনদে অধিষ্ঠিত ছিলেন। হযরত মাওলা আলী রদিয়াল্লাহু আনহু'র ওফাতের ছ'মাস পর তিনি মুসলিম জগতের একচ্ছত্র অধিপতি প্রথম সুলতান হিসেবে শাসনভার গ্রহণ করেন। উল্লেখ্য, এ ছ'মাস হযরত হাসান রদিয়াল্লাহু আনহু হযরত আলী রদিয়াল্লাহু আনহু'র হুলাতিষিক্ত হন। এরপর তিনি হযরত আমীরে মু'আবিয়া রদিয়াল্লাহু আনহু'র অনুকূলে খিলাফতের দায়িত্ব থেকে অব্যাহতি গ্রহণ করেন। তখনকার জীবিত সাহাবী ও তাবেরঈনদের মধ্যে কেউ তাঁর শাসনের বিরোধিতা করেননি।

কিন্তু তিক্ত হলেও সত্য যে, চৌদ্দশ' বছর পর শিয়া, রাফেজী, আবুল আ'লা মওদুদী ইত্যাদি ভ্রান্ত মতবাদের অনুসারী ও স্বার্থান্বেষী মহল হযরত মাওলা আলী কাররামাল্লাহু ওয়াজহাহু ও আমীরে মু'আবিয়া রদিয়াল্লাহু আনহু'র মধ্যে যে ইজতিহাদী মতানৈক্যের সৃষ্টি হয়, তার যথাযথ ও সঠিক বিশ্লেষণ না করে সত্যের মাপকাঠি সাহাবা-ই কেরামের সমালোচনায় উঠে পড়ে লেগে যায়।

ক্ষেত্র বিশেষে তারা এমন সব আঘাতে গল্পের অবতারণা করে, যা বিবেকবান মানুষকেও নাড়া দেয়। ইতিহাসের বর্ণিল পাতায় হযরত আলী রদিয়াল্লাহু আনহু ও আমীর মু'আবিয়া রদিয়াল্লাহু আনহু'র মধ্যে মতানৈক্য এমন একটি গুরুত্বপূর্ণ অধ্যায়, যার সঠিক সমাধান অনুসন্ধান করা ও সানা প্রত্যেকের জন্য জরুরি। প্রথমে সম্মানিত সাহাবা-ই কেরামের শান-মান ও মর্যাদা সম্পর্কে কিছুটা আলোকপাত করা যাক।

কোরআনের আলোকে সাহাবা-ই কেরামের মর্যাদা মহান আল্লাহ পাক প্রিয়নবী রসূলে আকরম সাল্লাল্লাহু আলায়হি ওয়াসাল্লাম'র প্রিয়নহচর সাহাবা-ই কেরামকে যে মর্যাদার আসনে আসীন করেছেন, পৃথিবীর ইতিহাসে তা সমুজ্জ্বল হয়ে রয়েছে। বহু আয়াত ও হাদীস শরীফ দ্বারা তাঁদের মর্যাদা প্রকাশ পায়। নিম্নে কতিপয় আয়াত উপস্থাপনের প্রয়াস পাচ্ছি। মহান আল্লাহ এরশাদ করেন-

لَا يَسْتَوِي مِنْكُمْ مَنْ أَنْفَقَ مِنْ قَبْلِ الْفَتْحِ وَقَاتِلٌ أُولَئِكَ أَعْظَمُ دَرَجَةً مِنَ الَّذِينَ أَنْفَقُوا مِنْ بَعْدُ وَقَاتَلُوا ۗ وَكَلَّا وَعَدَّ اللَّهُ الْحُسْنَىٰ ۗ الْآيَةَ

অর্থাৎ: তোমাদের মধ্যে সমান নয় ঐসব লোক, যারা মহলা বিজয়ের পূর্বে ব্যয় ও জিহাদ করেছে, তারা মর্যাদায় ঐসব লোক অপেক্ষা বড়, যারা মহলা বিজয়ের পর ব্যয় ও জিহাদ করেছে এবং তাদের সবার সাথে আল্লাহ জাম্মাতের ওয়াদা করেছেন। (নূর হাদীদ : ১০ অয়াত)

وَإِذَا قِيلَ لَهُمْ امْنُوا كَمَا آمَنَ النَّاسُ قَالُوا أَنُؤْمِنُ كَمَا آمَنَ السُّفَهَاءُ ۗ أَلَا إِنَّهُمْ السُّفَهَاءُ وَلَكِنْ لَا يَعْلَمُونَ

অর্থাৎ: যখন তাদেরকে বলা হয়, 'ঈমান আন, যেমন অপরার লোকেরা ঈমান এনেছে', তখন তারা বলেন, 'আমরা কি নির্বোধদের মত ঈমান আনব?' শুনছো! তারা ইল নির্বোধ, কিন্তু তারা জানেনা। (নূর বাকরার : ১৩ অয়াত)

এ আয়াতে এটাই বলা হয়েছে যে, যার ঈমান সাহাবা-ই কেরামের ঈমানের মত নয়, সে মুনাফিক এবং বড় বোকা। এ আয়াতসমূহ দ্বারা প্রমাণিত হয় যে, কোন সাহাবী কাসিক বা কাফির হতে পারেন না এবং সকল সাহাবীর জন্য আল্লাহ তা'আলা জাম্মাতের ওয়াদা করেছেন। এটাও প্রমাণিত হল যে, নেককার বান্দাদের মন্দ বলা মুনাফিকদের কুপ্রথা।

যেমন- রাফেযী (শিয়া) সম্প্রদায় সাহাবা-ই কেরামকে খারেজীগণ 'আহলে বায়ত'কে, গায়রে মুকাল্লিদগণ ইমাম আবু হানীফাকে এবং ওহাবীগণ আল্লাহর প্রিয় ওলীদেরকে মন্দ বলে।

হাদীসের আলোকে সাহাবা-ই কেরামের মর্যাদা সাহাবা-ই কেরামের ফজীলত সম্পর্কে অনেক হাদীস শরীফ বর্ণিত আছে। তন্মধ্যে কয়েকটি এখানে উদ্ধৃত হল-

عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ وَلَا تَسُبُّوا أَصْحَابِي فَلَوْ أَنَّ أَحَدَكُمْ أَنْفَقَ مِثْلَ أَحَدٍ ذَهَبًا مَا بَلَغَ مَدَّ أَحَدِهِمْ وَلَا نَصِيفَهُ -

(بخاری: جلد ۵۱۸ صفحہ ۵۱۸، ترمذی: جلد ۲ صفحہ ۲۲۵)

অর্থাৎ: হযরত আবু সাঈদ খুদরী রদিয়াল্লাহু আনহু থেকে বর্ণিত, তিনি বলেন, নবী করীম সাল্লাল্লাহু আলায়হি ওয়াসাল্লাম এরশাদ করেন, "আমার কোন সাহাবীকে মন্দ বল না। তোমাদের কেউ যদি উহুদ পর্বততুল্য স্বর্ণও খয়রাত করে, তাঁদের সোয়া সের যব সদকা করার সমানও হতে পারেনা; বরং এর অধেকেরও বরাবর হতে পারেনা।"

(বুখারী: ১ম খণ্ড- ৫১৮ পৃষ্ঠা, তিরমিহী: ২য় খণ্ড- ২২৫ পৃষ্ঠা।)

عَنْ عَبْدِ اللَّهِ بْنِ الْمُغْفَلِ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ اللَّهُ ﷻ اللَّهُ ﷻ فِي أَصْحَابِي لَا تَتَّخِذُواهُمْ عَرَضًا مِنْ بَعْدِي فَمَنْ أَحَبَّهُمْ فَبِحَبِي أَحَبَّهُمْ وَمَنْ أَبْغَضَهُمْ فَبِغْضِي أَبْغَضَهُمْ -

অর্থাৎ: হযরত আবদুল্লাহ ইবনে মুগাফফাল রদিয়াল্লাহু আনহু থেকে বর্ণিত তিনি বলেন, হুজুর আকরম সাল্লাল্লাহু আলায়হি ওয়াসাল্লাম এরশাদ করেছেন, "আমার সাহাবীদের ব্যাপারে আল্লাহকে ভয় কর, ওদের ভৎসনা ও বিদ্রূপের লক্ষ্যবস্তুতে পরিণত কর না। যে আমার সাহাবীকে মহব্বত করল, সে আমার মহব্বতে তাদেরকে মহব্বত করল এবং যে তাঁদের প্রতি বিদেহ পোষণ করল, সে আমার প্রতি বিদেহ পোষণের কারণে তাঁদের প্রতি বিদেহ পোষণ করল।" (তিরমিহী: ২য়/২২৫।)

عَنْ ابْنِ عُمَرَ رَضِيَ اللَّهُ عَنْهُمَا قَالَ قَالَ رَسُولُ اللَّهِ ﷺ إِذَا رَأَيْتُمُ الَّذِينَ يَسُبُّونَ أَصْحَابِي فَقُولُوا لَعْنَةُ اللَّهِ عَلَى شَرِّكُمْ

অর্থাৎ: হযরত আবদুল্লাহ ইবনে উমর রদিয়াল্লাহু আনহু হতে বর্ণিত, তিনি বলেন, রসূলুল্লাহ সাল্লাল্লাহু আলায়হি ওয়াসাল্লাম এরশাদ করেন, "যখন তোমরা এ ধরনের লোক দেখবে, যারা আমার সাহাবীকে মন্দ বলে, তখন তাদের উদ্দেশ্যে বলে দাও, 'তোমাদের অনিষ্টের উপর আল্লাহর অভিশাপ হোক'।" (তিরমিহী: ২য় খণ্ড, ২২৫ পৃষ্ঠা।)

হযরত আলী রদিয়াল্লাহু আনহু

নাম: 'আলী', উপনাম- 'আবুল হাসান', উপাধি- 'আসাদুল্লাহ'। পিতা- 'আবু তালেব'। বাল্যকাল থেকে হযরত আলী রদিয়াল্লাহু আনহু রসূলে পাক সাল্লাল্লাহু আলায়হি ওয়াসাল্লাম'র তত্ত্বাবধানে বড় হন। সম্পর্কের দিক থেকে তিনি প্রিয় রসূল সাল্লাল্লাহু আলায়হি ওয়াসাল্লাম'র চাচাতো ভাই এবং হুজুরের কন্যা হযরত ফাতিমা আয়-যাহরা রদিয়াল্লাহু আনহা'র স্বামী ছিলেন। তিনিই কিশোরদের মধ্যে সর্বপ্রথম ইসলাম ধর্ম গ্রহণ করেন। তারুক অভিযান ব্যতীত সকল যুদ্ধে অংশগ্রহণ করে তিনি বীরত্বের পরিচয় দেন। ৩৫ হিজরি সনের ২৪ যিলহজ্জ তিনি ইসলামের ৪র্থ খলীফা হিসেবে দায়িত্ব গ্রহণ করেন। তিনি জ্ঞান-বিজ্ঞানের সাগর এবং বেলায়তের সম্রাট হিসেবে খ্যাত। আহলে বায়তের অন্যতম সদস্য হযরত আলী রদিয়াল্লাহু আনহু'র ব্যাপারে পবিত্র কোরআনে মহান আল্লাহর এরশাদ করেন-

إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيرًا الْآيَةَ

অর্থাৎ: "হে নবীর পরিবারবর্গ! আল্লাহ তো এটাই চান যে, তোমাদের থেকে প্রত্যেক অপবিত্রতা দূরীভূত করে দেবেন এবং তোমাদেরকে পবিত্র করে পরিচ্ছন্ন করে দেবেন।"

এ প্রসঙ্গে স্বয়ং নবী করীম সাল্লাল্লাহু আলায়হি ওয়াসাল্লাম এরশাদ করেছেন-

لَا يُحِبُّ عَلِيًّا مُنَافِقٌ وَلَا يَبْغِضُهُ مُؤْمِنٌ

অর্থাৎ: "মুনাফিক আলীকে ভালবাসবেনা এবং কোন মুমিন আলীকে ঘৃণা করতে পারেনা।" (মুসনাদে আহমদী।)

গদীয়ে খুম-এ রসূল সাল্লাল্লাহু আলায়হি ওয়াসাল্লাম মাওলা আলীর হাত তুলে ধরে এরশাদ করেন-

مَنْ كُنْتُ مَوْلَاهُ فَعَلَيْ مَوْلَاهُ

"আমি যার মাওলা আলীও তার মাওলা।"

(তিরমিহী: ২১৩, ২১৪ পৃ।)

উল্লেখ্য, শিয়াগণ এ হাদীসের অপব্যাখ্যা করেও নানা বিভ্রান্তির জন্ম দিয়েছে। তারা এর অপব্যাখ্যার ভিত্তিতে হযরত আবু বকর সিদ্দীক, হযরত ওমর ও হযরত ওসমান

বিশ্লেষণ

রহিয়াল্লাহু আনহুম'র খিলাফতকে অস্বীকার করে। তারা 'মাওলা' মানে বলে আমীর, ইমাম বা খলীফা। কিন্তু এটা তাদের মনগড়া ও উদ্দেশ্য প্রণোদিত জঘন্য ভুল ব্যাখ্যা। এখানে 'মাওলা' মানে 'প্রিয়', 'সাহায্যকারী'।

।সাওয়াইকে মুহরিকাহ ও আসাহহস সিয়র ইত্যাদি।

বিস্তারিত আলোচনা হয়েছে "ঐতিহাসিক গদীর-ই খোম'র ঘটনা" নামক পুস্তিকায়, লিখেছেন মাওলানা মুহাম্মদ আবদুল মান্নান।

হযরত আমীরে মু'আবিয়া রহিয়াল্লাহু আনহু'র মর্যাদা তাঁর নাম 'মু'আবিয়া', উপনাম 'আবু আবদুর রহমান'। পিতা- হযরত আবু সুফিয়ান রহিয়াল্লাহু আনহু। মাতা- হযরত হিন্দা রহিয়াল্লাহু আনহা। পিতামাতা উভয়ের দিক থেকে তাঁর বংশধারা পঞ্চম পুরুষে হুজুর আকরম সাল্লাল্লাহু আলায়হি ওয়াসাল্লাম'র বংশের সাথে মিলে যায়। ঐতিহাসিকগণের নির্ভরযোগ্য সূত্রানুসারে হযরত আমীরে মু'আবিয়া রহিয়াল্লাহু আনহু হযরত আবু সুফিয়ানসহ পরিবারের অন্য সদস্যবৃন্দের সাথে ৮ম হিজরিতে মক্কা বিজয়ের সময় ইসলাম ধর্ম কবুল করেছেন। অপর বর্ণনা মতে, হযরত মু'আবিয়া রহিয়াল্লাহু আনহু ৬ষ্ঠ হিজরিতে হুদায়বিয়ার সন্ধির সময় ইসলাম কবুল করেছেন, তবে প্রকাশ করেছেন ৮ম হিজরি মক্কা বিজয়ের সময়। ইসলাম গ্রহণের পর থেকে হযরত আবু সুফিয়ান রহিয়াল্লাহু আনহু, হিন্দা রহিয়াল্লাহু আনহা ও হযরত মু'আবিয়া রহিয়াল্লাহু আনহুকে কখনো স্বয়ং রসূলে মাকবুল সাল্লাল্লাহু আলায়হি ওয়াসাল্লাম সাহাবী বা মুমিনদের মর্যাদা থেকে খারিজ করেননি এবং কোন সাহাবীই তাঁদের শানে কটুক্তিও করেননি। বরং হযরত মু'আবিয়া রহিয়াল্লাহু আনহুকে রসূল সাল্লাল্লাহু আলায়হি ওয়াসাল্লাম ওহী লেখকগণের মধ্যে গণ্য করে এক বিরাট সৌভাগ্যের অধিকারী করেছেন।

।মানারিজমুনুয়ত কৃত শায়খ আবদুল হক মুহাম্মিদ দেহলভী রহমাতুল্লাহি আলায়হি।

ইমাম আহমদ রহিয়াল্লাহু আনহু 'মুসনাদে আহমদ'-এ বর্ণনা করেছেন, রসূলে আকরম সাল্লাল্লাহু আলায়হি ওয়াসাল্লাম হযরত মু'আবিয়া রহিয়াল্লাহু আনহু'র জন্য এভাবে পরম করুণাময়ের দরবারে ফরিবাদ করেছেন-

اللَّهُمَّ عَلِّمْ مَعَاوِيَةَ الْكِتَابَ وَالْحِسَابَ رَوَاهُ أَحْمَدُ فِي تَرْغِيبِ الْعَالَمِينَ
অর্থাৎ: "হে আল্লাহ! মু'আবিয়াকে পবিত্র কোরআন ও অঙ্কশাস্ত্রের জ্ঞান দান কর।"

বৃন্দাদে আহমদ ও অরুয়াহি আন প্রিন্সি আমীর মু'আবিয়া, কৃত: অল্লাম আবদুল মঈন-১৪পৃ।

তিরমিযী শরীফে বর্ণিত হাদীসে রসূলে করীম সাল্লাল্লাহু আলায়হি ওয়াসাল্লাম হযরত মু'আবিয়া রহিয়াল্লাহু আনহু'র

জন্য এভাবে দু'আ করেছেন-

اللَّهُمَّ اجْعَلْهُ هَادِيًا مَهْدِيًا وَاهْدِ بِهِ النَّاسَ

অর্থাৎ: "হে আল্লাহ! তুমি মু'আবিয়াকে হাদী এবং মাহদী বানিয়ে দাও এবং তাঁর মাধ্যমে মানুষকে হিদায়াত দান কর।"

এতদসত্ত্বেও তাঁর শানে 'তাঁকে সাহাবী ও একজন মুমিনের মর্যাদাও দেয়া যায়না' মর্মে শিয়া-রাফেজী অনুসারীদের কটুক্তি করা সাহাবা-ই রসূলের প্রতি জঘন্যতম বেআদবীর শামিল।

উভয়ের মধ্যে মতানৈক্যের কারণ

হযরত আলী রহিয়াল্লাহু আনহু ও আমীরে মু'আবিয়া রহিয়াল্লাহু আনহু'র মধ্যে মতানৈক্যের ব্যাপারে হাকীমুল উম্মত মুফতী আহমদ ইয়ার খান নঈমী রহমাতুল্লাহি আলায়হি বলেন, হযরত ওসমান ইবনে আফফান রহিয়াল্লাহু আনহুর বাড়ি বিদ্রোহীরা ঘেরাও করেছিল। তিনদিন বা এর থেকে অধিক সময় পানি অবরোধ করে রেখেছিল, অতঃপর তাঁর ঘরে প্রবেশ করে মুহাম্মদ ইবনে আবু বকর এবং অপর তের জন বিদ্রোহী তাঁকে নির্দয়ভাবে শহীদ করে। তাঁর শাহাদাতের পর আমীরুল মুমিনীন হযরত আলী রহিয়াল্লাহু আনহু মুহাজির ও আনসারগণের সর্বসম্মত রায়ে বরহক খলীফা মনোনীত হন। কিন্তু কয়েকটি কারণে হযরত ওসমান রহিয়াল্লাহু আনহুর হত্যাকারীদের বিরুদ্ধে ব্যবস্থা নিতে পারেন নি। এ খবর সিরিয়ায় আমীরে মু'আবিয়া রহিয়াল্লাহু আনহুর কানে পৌঁছে। তিনি তখন সিরিয়া প্রদেশের গভর্নর। তিনি সংবাদ পাঠালেন যে, মুসলমানদের খলীফাকে স্বয়ং মদীনা শরীফে শহীদ করে দেয়াটা খুবই মারাত্মক ব্যাপার। সুতরাং সবার আগে হত্যাকারীদের উপর কিসাসের হুকুম কার্যকর করা হোক। কিন্তু কয়েকটি অপ্রতিরোধ্য অবস্থার কারণে তিনি হত্যার বদলা (কিসাস) নিতে পারেন নি। ওদিকে কুচক্রিমহল আমীরে মু'আবিয়া রহিয়াল্লাহু আনহুর মনে এ ধারণাটি বদ্ধমূল করে দেয় যে, আলী মুরতাছা রহিয়াল্লাহু আনহু ইচ্ছাকৃতভাবে কিসাস কার্যকর করতে গড়িমসি করছেন এবং সে হত্যাকাণ্ডে (নাউযুবিল্লাহ) তাঁর হাত রয়েছে। আমীরে মু'আবিয়া রহিয়াল্লাহু আনহুর তরফ থেকে বারবার হত্যার প্রতিশোধ নেয়ার জন্য দাবি জানানো হয়। তখনও খিলাফতের অস্বীকার বা স্বীয় রাজত্ব পৃথক করার কোন খেয়াল তাঁর ছিলনা, কেবল ওসমান রহিয়াল্লাহু আনহু'র রক্তের প্রতিশোধের দাবীই ছিল।

শেষ পর্যন্ত এমন অবস্থা সৃষ্টি হল, হযরত মু'আবিয়া রহিয়াল্লাহু আনহু মনে করতে লাগলেন যে, আলী মুরতাছা

বিশ্লেষণ

রদ্বিয়াল্লাহু আনহু খিলাফতের উপযুক্ত নন এবং তিনি খিলাফতের দায়দায়িত্ব পূর্ণভাবে আদায় করতে পারছেন না। কেননা, তিনি এতবড় একটি হত্যাকাণ্ডের প্রতিশোধ নিতে পারলেন না, তিনি অন্য দায়িত্ব কীভাবে আদায় করতে পারবেন। মতবিরোধের মূল কারণ ছিল এটাই। অন্যান্য মতভেদ ছিল এ মূলেরই শাখা-প্রশাখা। অন্যদের বিরোধিতার কারণও ছিল এটাই।

হযরত আমীর মু'আবিয়া রদ্বিয়াল্লাহু আনহু: কৃত মুফতী আহমদ ইয়ার খান নইমী।

এ হত্যাকাণ্ডকে কেন্দ্র করে সাহাবা-ই কেরাম তিনভাগে বিভক্ত হয়ে পড়েন। একদল নিরপেক্ষ ভূমিকা পালন করেন, তাঁরা কারো পক্ষে যুদ্ধে অংশগ্রহণ করেননি। যেমন- হযরত আবদুল্লাহ ইবনে আব্বাস রদ্বিয়াল্লাহু আনহু, আবদুল্লাহ ইবনে উমর রদ্বিয়াল্লাহু আনহু, আবদুল্লাহ ইবনে সালাম রদ্বিয়াল্লাহু আনহু প্রমুখ। একদল হযরত আলী রদ্বিয়াল্লাহু আনহুর বিপক্ষে যান, যেমন- হযরত আয়েশা রদ্বিয়াল্লাহু আনহা, হযরত তালহা রদ্বিয়াল্লাহু আনহু, হযরত জুবাইর রদ্বিয়াল্লাহু আনহু, হযরত মুহাম্মদ ইবনে তালহা রদ্বিয়াল্লাহু আনহু এবং হযরত আমীর মু'আবিয়া রদ্বিয়াল্লাহু আনহু প্রমুখ। আর অবশিষ্ট সাহাবীগণ হযরত আলী রদ্বিয়াল্লাহু আনহুর পক্ষে ছিলেন।

একটি বিষয় লক্ষ্যণীয় যে, হযরত আয়েশা সিদ্দীকা রদ্বিয়াল্লাহু আনহা হযরত আলী রদ্বিয়াল্লাহু আনহুর বিরুদ্ধে ছিলেন। কিন্তু তাঁর আপন ভাই হযরত আবদুর রহমান রদ্বিয়াল্লাহু আনহু হযরত আলী রদ্বিয়াল্লাহু আনহুর সেনাবাহিনীর সদস্য ছিলেন। আবার স্বয়ং হযরত আলী রদ্বিয়াল্লাহু আনহুর ভাই হযরত আকীল রদ্বিয়াল্লাহু আনহু সেই যুদ্ধের (জঙ্গ-ই জামাল) সময় নিরপেক্ষ ভূমিকা পালন করেন এবং হযরত আলী রদ্বিয়াল্লাহু আনহুর অনুমতি নিয়ে আমীর মু'আবিয়া রদ্বিয়াল্লাহু আনহুর ঘরে মেহমান হয়ে থাকেন। অর্থাৎ তা ছিল হযরত আমীর মু'আবিয়া রদ্বিয়াল্লাহু আনহুর পবেষণাপ্রসূত ভুল, যা ইসলামের দৃষ্টিকোণে ওনাহ নয়ই, বরং এ ইজতিহাদগত ভুলের জন্যও একটি স্কাঙ্করের গুডসংবাদ বর্ণিত আছে। (শরহে মাওয়াকফ, হযরত আমীর মু'আবিয়া রদ্বিয়াল্লাহু আনহু-৬৬পৃষ্ঠা)

আমীর মু'আবিয়া'র বিরুদ্ধবাদীদের আপত্তি হযরত আমীর মু'আবিয়া রদ্বিয়াল্লাহু আনহু সম্পর্কে এ পর্যন্ত সমস্ত অভিযোগ উত্থাপিত হয়েছে, তন্মধ্যে কতিপয় অভিযোগ এবং তার জবাব নিয়ে উপস্থাপিত হল-

আপত্তি: জামায়াতে ইসলামীর প্রতিষ্ঠাতা মিস্টার

আবুল আলা মওদুদী শিয়া-রাফেযীদের ন্যায় সাহাবা-ই কেরামগণের সবচেয়ে বড় সমালোচক। তিনি তার বহুল বিতর্কিত *خلافت و ملوکیت* (খেলাফত ও মুলুকিয়াত) নামক পুস্তিকায় হযরত আমীর মু'আবিয়া রদ্বিয়াল্লাহু আনহুকে বিদ'আতী আখ্যা দিয়ে উল্লেখ করেন,

“হযরত আমীর মু'আবিয়া রদ্বিয়াল্লাহু আনহু স্বয়ং নিজে এবং তাঁর প্রাদেশিক গভর্নরগণ তাঁর আদেশক্রমে জুমু'আর খোতবায় মিস্বরের উপর দাঁড়িয়ে হযরত আলী রদ্বিয়াল্লাহু আনহুকে গালি দিত (নাউযুবিল্লাহ)। এ ছাড়াও মসজিদে নববীতে মিস্বরে রসূলের উপর দাঁড়িয়ে রসূলে আকরম সাল্লাল্লাহু আলায়হি ওয়াসাল্লাম'র প্রিয়জনদের গালি দিত।”

খণ্ডন : এ ধরনের উক্তি শিয়া-রাফেজী ও আবুল আলা মওদুদীর পক্ষ থেকে হযরত আমীর মু'আবিয়া রদ্বিয়াল্লাহু আনহুর প্রতি জঘন্য অপবাদের শামিল।

মিস্টার মওদুদী তার দাবীর সমর্থনে যে তিনটি কিতাবের রেফারেন্স উল্লেখ করেছেন (তাফসীরে তাবারী ৪র্থ খণ্ড ১৮৮ পৃ, ইবনে আসীর ৩য় খণ্ড ২৩৪ পৃ, আল বেদায়া ওয়ান নিহায়া ৯ম খণ্ড ৮০ পৃ)। দেওবন্দী মাযহাবের অন্যতম পুরোধা ড.তকী ওসমানী সাহেব বলেছেন, আমি তার উল্লেখিত রেফারেন্সগুলো পর্যালোচনা করেছি গভীরভাবে। কিন্তু কোথাও এ তথ্যের সন্ধান পাওয়া যায়নি যে, তিনি (হযরত আমীর মু'আবিয়া রদ্বিয়াল্লাহু আনহু) নিজে হযরত আলী রদ্বিয়াল্লাহু আনহুকে গালি-গালাজ করতেন।

আমীর মু'আবিয়া আউর তারীখী হাফাইক : ৮১ পৃষ্ঠা।

উপরন্তু ঐতিহাসিকগণের নির্ভরযোগ্য বর্ণনায় দেখা যায়, হযরত আমীর মু'আবিয়া রদ্বিয়াল্লাহু আনহু হযরত আলী রদ্বিয়াল্লাহু আনহুর সাথে মতভেদ থাকার পরও তাঁকে অত্যন্ত শ্রদ্ধা করতেন। যেমন- হাফেয ইবনে কাসীর রহমাতুল্লাহি আলায়হি বলেন-

لَمَّا جَاءَ خَيْرٌ قَبْلَ عَلِيٍّ إِلَى مُعَاوِيَةَ جَعَلَ يَبْكِي
فَقَالَتْ لَهُ امْرَأَتُهُ اَتَبْكِيهِ وَقَدْ قَاتَلْتَهُ فَقَالَ وَيْحَكَ
اِنَّكَ لَا تَدْرِيْنَ مَا فُقِدَ النَّاسُ مِنَ الْفَضْلِ وَالْفِقْهِ
وَالْعِلْمِ -

অর্থাৎ: হযরত আমীর মু'আবিয়া রদ্বিয়াল্লাহু আনহুর নিকট যখন হযরত আলী রদ্বিয়াল্লাহু আনহুর শাহাদাতের সংবাদ পৌঁছল, তখন তিনি কান্না করতে লাগলেন। ঠিক সেই মুহূর্তে তাঁর স্ত্রী বললেন, আপনি কি আলীর শাহাদাতে ক্রন্দন করছেন? অথচ আপনি তাঁর সাথে লড়াই করেছেন। উত্তরে

হযরত মু'আবিয়া রদ্বিয়াল্লাহু আনহু বললেন, তুমি নিশ্চয় জাননা, আজ মানবসমাজ অসংখ্য কল্যাণ, ইলমে ফিকুহ এবং জ্ঞান-বিজ্ঞান থেকে বঞ্চিত হয়েছে।

(আল বিদায় : ৮ম খণ্ড : ১৩০ পৃষ্ঠা)

উল্লেখ্য, এখানে হযরত আমীর মু'আবিয়া রদ্বিয়াল্লাহু আনহুকে বলা হয়েছে যে, “আপনি তাঁর সাথে জীবনে অগণিত যুদ্ধ করেছেন।” কিন্তু তিনি এ কথা বলেননি যে, “আপনি তাঁকে অনেকবার গালিগালাজ করেছেন, সুতরাং আজকে তাঁর শাহাদাতের সংবাদে কেন ক্রন্দন করছেন?”

২য় আপত্তি: একবার হযরত আমীর মু'আবিয়া রদ্বিয়াল্লাহু আনহু স্বীয় কাঁধে ইয়াযীদকে নিয়ে কোথাও যাচ্ছিলেন। নবী করীম সাল্লাল্লাহু আলায়হি ওয়াসাল্লাম তা দেখে এরশাদ করলেন, “জাহান্নামীর উপর চড়ে জাহান্নামী যাচ্ছে।” এতে বুঝা যাচ্ছে যে, ইয়াযীদও দোষখী এবং (না'উযু বিল্লাহ) আমীর মু'আবিয়াও দোষখী।

খণ্ডন : এ আপত্তিটি একেবারেই ভিত্তিহীন। জামে ইবনে আসীর, কিতাবুন নাহিয়া ইত্যাদি ইতিহাস গ্রন্থে বর্ণিত আছে যে, পাপিষ্ট ইয়াযীদ হযরত উসমান রদ্বিয়াল্লাহু আনহুর খেলাফতকালে জন্মগ্রহণ করে। সুতরাং হযরত রসূলে পাক সাল্লাল্লাহু আলায়হি ওয়াসাল্লাম'র পবিত্র যুগে আমীর মু'আবিয়া রদ্বিয়াল্লাহু আনহু'র কাঁধে ইয়াযীদের অবস্থান কোনক্রমেই গ্রহণযোগ্য নয়। (হযরত আমীর মু'আবিয়া : ৮১ পৃষ্ঠা)

৩য় আপত্তি : হযরত আকরম সাল্লাল্লাহু আলায়হি ওয়াসাল্লাম বলেছেন, “যখন তোমরা মু'আবিয়াকে আমার মিস্বরের উপর দেখ, তখন তাঁকে হত্যা করে ফেল।” এ হাদীসটি ইমাম যাহাবী উদ্ধৃত করেছেন এবং বিশুদ্ধ বলেছেন। এতে বুঝা গেল যে, আমীর মু'আবিয়া রদ্বিয়াল্লাহু আনহু হত্যার উপযোগী ছিলেন।

খণ্ডন : ‘মিথ্যাবাদীদের উপর খোদার অভিশাপ’ এটা বলা ছাড়া এ আপত্তির আর কী জবাব দেয়া যায়? কোন এক মিথ্যাবাদী হুজুরের নামে মিথ্যা বলেছে এবং অপবাদটা ইমাম যাহাবীর উপর চাপিয়ে দিয়েছে। সরকারে দু'জাহান সাল্লাল্লাহু আলায়হি ওয়াসাল্লাম এরশাদ ফরমান, “যে আমার ব্যাপারে জেনেওনে মিথ্যা বলে সে যেন দোষখকে তার ঠিকানা বানিয়ে নেয়।” আল্লাহকে ভয় করা দরকার। বস্তুত ইমাম যাহাবী তাদেরকে রদ করার জন্যই এ জাল হাদীসটি তাঁর ইতিহাসগ্রন্থে উদ্ধৃত করেছেন মাত্র। আর ওখানে সাথে সাথে এও বলে দিয়েছেন যে, “এটি মওজু' হাদীস, এর কোন ভিত্তি নেই।”

তদুপরি, হুজুরের এটা বলার কি প্রয়োজন ছিল? তিনি তো

নিজেই কতল করতে পারতেন। আর এটাও কিভাবে হতে পারে যে, সমস্ত সাহাবী, তাবেরঈন ও আহলে বায়ত এ হাদীস শুনলেন কিন্তু কেউ পাস্তা দিলেন না। বরং ইমাম হাসান রদ্বিয়াল্লাহু আনহু, আমীর মু'আবিয়া রদ্বিয়াল্লাহু আনহুর পরে খিলাফত থেকে ইস্তেফা দিয়ে আমীর মু'আবিয়া রদ্বিয়াল্লাহু আনহুর জন্য রসূলের মিস্বরকে একেবারে খালি করে দিলেন এবং হযরত আবদুল্লাহ ইবনে আব্বাস রদ্বিয়াল্লাহু আনহু আমীর মু'আবিয়ার ইলম ও আমলের প্রশংসা করলেন। তাঁকে দ্বীনের মুজতাহিদ আখ্যায়িত করলেন। ওনাদের কারো কাছে এ হাদীসটি পৌঁছলনা। চৌদ্দশ' বছর পরে এদের কাছে কীভাবে এ হাদীসটি পৌঁছে গেল? এ ছাড়াও আরো অসংখ্য বিভ্রান্তিকর আপত্তি করা হয়েছে কলেবর বৃদ্ধির আশঙ্কায় তা এখানে আলোকপাত করা হল না।

পারম্পরিক শ্রদ্ধাবোধ

হযরত আলী রদ্বিয়াল্লাহু আনহু এবং আমীর মু'আবিয়া রদ্বিয়াল্লাহু আনহু পরম্পরের প্রতি যথেষ্ট শ্রদ্ধা ছিল। একদিন হযরত আমীর মু'আবিয়া রদ্বিয়াল্লাহু আনহু দরবারে উপস্থিত সবাইকে বললেন, যে ব্যক্তি হযরত আলী'র প্রশংসায় যথাযোগ্য কবিতা আবৃত্তি করবে, আমি তাঁকে প্রতিটি কবিতার বিনিময়ে হাজার দিনার দান করব। উপস্থিত কবিগণ হযরত আলী রদ্বিয়াল্লাহু আনহুর শানে কবিতা আবৃত্তি করে প্রচুর পুরস্কার লাভ করলেন। কিন্তু হযরত মু'আবিয়া রদ্বিয়াল্লাহু আনহু প্রতিটি কবিতা ও ছন্দ শ্রবণ করার পর বলতেন **عَلَىٰ أَفْضَلٍ مِنْهُ** (আলীয্যুন আফদালুম মিনহু) অর্থাৎ “আলী এর চেয়েও অনেক উত্তম।” অতঃপর উক্ত মজলিসে আমার বিন আস রদ্বিয়াল্লাহু আনহু হযরত আলী রদ্বিয়াল্লাহু আনহুর প্রশংসায় এমন একটি কবিতা আবৃত্তি করলেন, যা হযরত আমীর মু'আবিয়া রদ্বিয়াল্লাহু আনহুর নিকট পছন্দ হল, ফলে ওই কবিতার বিনিময়ে উক্ত কবিকে হযরত আমীর মু'আবিয়া রদ্বিয়াল্লাহু আনহু সাত হাজার দিনার পুরস্কার প্রদান করলেন।

হযরত আলী রদ্বিয়াল্লাহু আনহু সিন্ধু যুদ্ধ থেকে প্রত্যাবর্তনের পর আমীর মু'আবিয়া রদ্বিয়াল্লাহু আনহু সম্পর্কে ইরশাদ করেন-

أَيُّهَا النَّاسُ لَا تَكْرَهُ أَمَارَةَ مُعَاوِيَةَ فَإِنَّكُمْ لَوْ فَقَدْتُمْ وَهَ رَأَيْتُمْ الرُّوسَ تَنْذِرُ عَنْ لُؤَاهِلِهَا كَأَنَّمَا الْحَنْظَلُ

অর্থাৎ: “হে লোকসকল! তোমরা আমীর মু'আবিয়ার শাসন এবং নেতৃত্বকে অপছন্দ করোনা। যদি তোমরা তাঁকে নেতৃত্ব থেকে সরিয়ে দাও, তবে তোমরা দেখবে ধড় থেকে মাথা

বিশ্লেষণ

এমনভাবে কেটে পড়ছে, যেভাবে হানজল (এক প্রকার তিক্ত ফল) গাছ থেকে পতিত হয়। [আল-বিদায় : ৮ম খণ্ড, ১৩১ পৃষ্ঠা]

বিশিষ্ট ইসলামী মনীষীদের অভিমত

হযরত আলী এবং হযরত আমীর মু'আবিয়া রদ্বিয়াল্লাহু আনহু'র মধ্যে মতপার্থক্যের ব্যাপারে বিভিন্ন ইসলামী চিন্তাবিদগণের মতামত প্রণিধানযোগ্য। নিম্নে তন্মধ্যে কয়েকটি মতামত পেশ করা হল:

• ফারুক-ই আ'যম রদ্বিয়াল্লাহু আনহু'র অভিমত

হযরত ফারুক-ই আ'যম উমর রদ্বিয়াল্লাহু আনহু' হতে বর্ণিত, তিনি বলেন, হে লোক সকল! আমার পরে তোমরা গোত্রবিভেদ থেকে বেঁচে থাক। যদি তোমরা এমন করে থাক, তবে মনে রেখ। হযরত মু'আবিয়া সিরিয়ায় আছেন।

[হযরত আমীর মু'আবিয়া : ২৬৪ পৃষ্ঠা]

• গাউস-ই আ'যম রদ্বিয়াল্লাহু আনহু'র অভিমত

হুজুর গাউসে পাক শায়খ আবদুল কাদের জিলানী রদ্বিয়াল্লাহু আনহু' তাঁর প্রসিদ্ধ কিতাব 'গুনিয়াতুত তালাবীন'র ১৭৫ পৃষ্ঠায় হযরত আমীর মু'আবিয়া রদ্বিয়াল্লাহু আনহু' ও আলী মুরতাজা রদ্বিয়াল্লাহু আনহু'র মধ্যে যুদ্ধ-বিদ্রোহ সম্পর্কে ইরশাদ করেন-

وَأَمَّا قِتَالُهُ لَطَلْحَةَ وَالزُّبَيْرِ وَعَائِشَةَ وَمُعَاوِيَةَ فَقَدْ
نَصَّ الْإِمَامَ أَحْمَدَ عَلَى الْأَمْسَاكِ عَنْ ذَلِكَ
وَجَمِيعِ مَا شَجَرَ بَيْنَهُمْ مِنْ مَنَازَعَةٍ وَمَنَافِرَةٍ
وَحُصُومَةٍ لِأَنَّ اللَّهَ تَعَالَى يَزِيلُ ذَلِكَ مِنْ بَيْنِهِمْ
يَوْمَ الْقِيَامَةِ كَمَا قَالَ عَزَّ وَجَلَّ وَنَزَعْنَا الْخ

অর্থাৎ: হযরত আলীর সাথে হযরত তালহা, যুবাইর, আয়েশা সিদ্দীকাহ ও আমীর মু'আবিয়া রদ্বিয়াল্লাহু আনহু'র যুদ্ধ সম্পর্কে ইমাম আহমদ রহমাতুল্লাহি আলায়হি ব্যাখ্যা করেছেন যে, সাহাবা-ই কেরামের মধ্যে পরস্পরের যুদ্ধের ব্যাপারে বাদানুবাদ করা থেকে বিরত থাকা উচিত। কেননা আল্লাহ তা'আলা তাঁদের সমস্ত কালিমা কিয়ামতের দিন স্মরণীয় করে দেবেন। যেমন- আল্লাহ তা'আলা স্বয়ং ইরশাদ করমায়েছেন, আমি জালালাতীদের অন্তর থেকে ঈর্ষা-বিদ্বেষ দূর করে দিব। আর এ জন্য যে, হযরত আলী মুরতাজা রদ্বিয়াল্লাহু আনহু' ও সব সাহাবা-ই কেরামের সাথে যুদ্ধ করার ব্যাপারে হকের উপর ছিলেন এবং যারা তাঁর আনুগত্য ত্যাগ করেছে এবং তাঁর বিরুদ্ধে যুদ্ধের প্রতীতি নিয়েছে, তাঁদের সাথে এ যুদ্ধ তাঁর দিক থেকে বৈধ হয়েছে। আর যে সব

সম্মানিত ব্যক্তিগণ হযরত আলী রদ্বিয়াল্লাহু আনহু'র বিরুদ্ধে যুদ্ধ করেছেন যেমন আমীর মু'আবিয়া রদ্বিয়াল্লাহু আনহু' প্রমুখ তাঁরা হযরত ওসমান রদ্বিয়াল্লাহু আনহু'র রক্তের বদলা দাবি করেছিলেন। যিনি বরহক খলীফা ছিলেন এবং যাকে অন্যায়াভাবে শহীদ করা হয়েছে এবং ওসমান রদ্বিয়াল্লাহু আনহু'র হত্যাকারীরা হযরত আলী রদ্বিয়াল্লাহু আনহু'র সৈন্যবাহিনীর অন্তর্ভুক্ত ছিলেন। সুতরাং তাঁদের দাবীও সঠিক ছিল। গাউস-ই আ'যম রদ্বিয়াল্লাহু আনহু'র ব্যাপারে কটুক্তি করে স্বীয় ঈমান বিনষ্ট করবেন।

• ইমাম-ই আ'যম রদ্বিয়াল্লাহু আনহু'র মতামত

ইমাম-ই আ'যম হযরত আবু হানীফা রদ্বিয়াল্লাহু আনহু' তাঁর বিশ্ববিখ্যাত কিতাব 'ফিকুহে আকবর'-এ সাহাবা-ই কেরাম সম্পর্কে আহুলে সুন্নাতে আক্বীদা প্রসঙ্গে বলেন-

نُتُوا لَهُمْ جَمِيعًا وَلَا نَذْكُرُ الصَّحَابَةَ إِلَّا بِخَيْرٍ

অর্থাৎ আমরা আহলে সুন্নাতে সমস্ত সাহাবা-ই কেরামের প্রতি মহব্বত পোষণ করি এবং তাঁদেরকে প্রশংসার সাথে স্মরণ করি। এর ব্যাখ্যায় মোল্লা আলী ক্বারী 'শরহে ফিকুহে আকবর'-এ লিখেছেন-

وَإِنَّ صَدْرَ مَنْ بَعْضِهِمْ بَعْضٍ مَاصَدَرَ فِي صُورَةٍ
شَرَفَانِهِ كَانَ عَنْ اجْتِهَادٍ وَلَمْ يَكُنْ عَلَى وَجْهِ فَسَادٍ
অর্থাৎ: “যদিও কোন সাহাবী থেকে কিছু বিষয় প্রকাশ পেয়েছে, যেগুলো বাহ্যত দেখতে মন্দ মনে হয়, কিন্তু ওগুলোর সবই ইজতিহাদী কারণ ছিল, ঝগড়া-বিবাদের কারণে নয়।”

অতএব ওই ব্যক্তির সম্পর্কে সহজেই অনুমেয় যে নিজেকে হানাফী বলে দাবী করে, অথচ হযরত আমীর মু'আবিয়া রদ্বিয়াল্লাহু আনহু'র বেলায় কটুক্তি করে; সে তো স্বয়ং স্বীয় ইমামেরই বিরোধিতা করল।

• মুজাদ্দিদ-ই আলফ-ই সানীর বাণীসমূহ

কৃতবে রব্বানী মুজাদ্দিদ-ই আলফে সানী হযরত শায়খ আহমদ ফারুকী সারহিন্দ রহমাতুল্লাহি আলায়হি শীর্ষস্থানীয় আউলিয়ার অন্তর্ভুক্ত। তাঁর রচিত মাকতূবাত শরীফের প্রথম খণ্ডের ৫৪ ও ৮৫ পৃষ্ঠায় শায়খ ফরীদ রহমাতুল্লাহি আলায়হিকে লিখিত চিঠিতে বলেন- সমস্ত বিদ'আতী ফিরকার মধ্যে সর্বনিকৃষ্ট ফিরকা সেটা, যা হুজুরে আকরম সাল্লাল্লাহু আলায়হি ওয়াসাল্লাম'র সাহাবা-ই কেরামের প্রতি বিদ্বেষ পোষণ করে। আল্লাহ তা'আলা সেই ফেরকাকে কাফির বলেছেন। যেমন পবিত্র কোরআনুল করীমে এরশাদ ফরমান لِيَغِظَ بِهِمُ الْكُفَّارَ (যাতে কাফিরদের অন্তর্জালা

সৃষ্টি হয়)। কোরআন এবং শরীয়তের প্রচার সাহাবা-ই কেরামই করেছেন। যদি স্বয়ং সাহাবা-ই কেরাম ভর্ৎসনার পাত্র হন, তাহলে কোরআন ও শরীয়তের ভর্ৎসনা করা হবে। হযরত মুজাদ্দিদ-ই আলফে সানী রহমাতুল্লাহি আলায়হি সেই মাকতূবাত শরীফে আরো এরশাদ করেন, সাহাবা-ই কেরামের মধ্যে যে ঝগড়া ও যুদ্ধসমূহ হয়েছে, সেটা মনোপ্রবৃত্তির কারণে ছিল না। কেননা সাহাবা-ই কেরামের আত্মাসমূহ হজুরের সংশ্রবের বরকতে পবিত্রতর হয়ে গিয়েছিল। আমি এতটুকু জানি যে, ওইসব যুদ্ধে হযরত আলী হকের উপর ছিলেন এবং তাঁর বিরোধীতাকারীগণও ভুল ধারণায় ছিলেন। কিন্তু এটা ইজতিহাদী ভুল যা পাপের পর্যায়ে পড়েনা। তাছাড়া এখানে দোষারোপ করারও কোন অবকাশ নেই। কেননা মুজতাহিদ ভুলের জন্যও একটি সাওয়াব লাভ করেন।

হযরত মুজাদ্দিদ-ই আলফে সানী সেই মাকতূবাত শরীফের ২য় খণ্ডের ৭২ পৃষ্ঠায় খাজা মুহাম্মদ নকী রহমাতুল্লাহি আলায়হিকে লিখিত চিঠিতে মাযহাবে আহলে সুন্নাতের হাকীকত সম্পর্কে লিখেছেন, সাহাবা-ই কেরাম কতক ইজতিহাদী বিষয়ে স্বয়ং নবী করীম সাল্লাল্লাহু আলায়হি ওয়াসাল্লাম'র অভিমতের বিপরীত অভিমত দিতেন। তাঁদের এ অভিমত, না দূষণীয় ছিল, না নিন্দনীয়। তাঁদের বিরুদ্ধে কোন ওহীও নাযিল হয়নি। তাহলে ইজতিহাদী বিষয়ে হযরত আলীর বিরোধিতা কি করে কুফরী হতে পারে এবং হযরত আলী রদ্বিয়াল্লাহু আনহু'র বিরোধিতাকারীগণের প্রতি ভর্ৎসনা এবং নিন্দাও কেন? হযরত আলীর বিরুদ্ধে যুদ্ধে অংশগ্রহণকারীগণের মধ্যে অনেকে জান্নাতের সুসংবাদপ্রাপ্ত। তাঁদের কাফির বলা বা নিন্দা করা যাবেনা।

নুতরাং হযরত আলী রদ্বিয়াল্লাহু আনহু ও আমীর মু'আবিয়া রদ্বিয়াল্লাহু আনহু'র মধ্যে যে ইজতিহাদী মতানৈক্য সৃষ্টি হয়, তার জন্য হযরত আমীর মু'আবিয়া রদ্বিয়াল্লাহু আনহু'র শানে আক্রমণ করা জঘন্যতম অপরাধ ও গোমরাহীর শামিল।

কেননা হযরত আমীর মু'আবিয়া রদ্বিয়াল্লাহু আনহু ছিলেন কাধারে রসূল সাল্লাল্লাহু আলায়হি ওয়াসাল্লাম'র প্রিয় সাহাবী এবং কাতিব-ই ওহী।

আমীয়া, রাফেজী ও আবুল আ'লা মওদুদী ব্যতীত এ যাবৎ তাহলে সুন্নাত ওয়াল জামাতের কোন ইনাম হযরত আমীর মু'আবিয়া রদ্বিয়াল্লাহু আনহু'র পবিত্র শানে কটুক্তি করার সাহস দেখায়নি; দেখাবেনও কি করে? সাহাবা-ই কেরামের বিরোধীদের জাহান্নামের কুকুর বলে বর্ণিত হয়েছে। আল্লাহ পাক রসূল আলামীন সকল মুসলমানের

ঈমান-আকীদাকে হিফায়ত করুন।

বিরুদ্ধবাদীদের আরো কিছু সংশয় ও সপ্রমাণ অপনোদন

প্রশ্ন: আবু সুফিয়ান, হিন্দা, মু'আবিয়া, মারওয়ান চক্রকে সাহাবী বা মুমিনের মর্যাদা দেয়া যায়না। তারা দীর্ঘ তেইশ বৎসর ইসলামের বিরুদ্ধে সশস্ত্র সংগ্রাম করেছে। এ ব্যাপারে আপনার মতামত কি? ঐতিহাসিক ও কোরআন-হাদীসের আলোকে মূল্যবান জবাবদানে ধন্য করবেন।

উত্তর: এ উক্তিটি না ইতিহাসবেত্তাগণের নিকট সমর্থিত, না আহলে সুন্নাত ওয়া জামা'আতের মতাদর্শের অনুরূপ। কারণ, হযরত আবু সুফিয়ান রদ্বিয়াল্লাহু আনহু ও হযরত আমীর মু'আবিয়া রদ্বিয়াল্লাহু আনহু সর্বসম্মতভাবে সাহাবী। ঐতিহাসিকগণের নির্ভরযোগ্য বর্ণনানুযায়ী দেখা যায় যে, হযরত আমীর মু'আবিয়া রদ্বিয়াল্লাহু আনহু হযরত আবু সুফিয়ানসহ পরিবারের অন্য সদস্যবৃন্দের সাথে ৮ম হিজরি মক্কা বিজয়ের সময় ইসলাম ধর্ম কবুল করেছেন।

তারীখে ইসলাম: ১ম খণ্ড : ১৪৬ পৃষ্ঠা : মুফতী আমীমুল ইহসান রহমাতুল্লাহি আলায়হি।
অপর বর্ণনামতে, হযরত মু'আবিয়া রদ্বিয়াল্লাহু আনহু ৬ষ্ঠ হিজরি হুদায়বিয়ার সন্ধির সময় ইসলাম কবুল করেছেন, তবে প্রকাশ করেছেন, ৮ম হিজরিতে মক্কা বিজয়ের সময় (তারীখুল খোলাফা)। ইসলাম গ্রহণের পর থেকে হযরত আবু সুফিয়ান রদ্বিয়াল্লাহু আনহু, হিন্দা রদ্বিয়াল্লাহু আনহা এবং হযরত আমীর মু'আবিয়া রদ্বিয়াল্লাহু আনহুকে কখনো স্বয়ং রসূলে মাকবুল সাল্লাল্লাহু আলায়হি ওয়াসাল্লাম সাহাবী ও মুমিনের মর্যাদা থেকে খারিজ করেননি এবং সিদ্দীক-ই আকবর রদ্বিয়াল্লাহু আনহু, ফারুক-ই আ'যম হযরত ওমর রদ্বিয়াল্লাহু আনহু, হযরত ওসমান রদ্বিয়াল্লাহু আনহু এবং আবু সুফিয়ান রদ্বিয়াল্লাহু আনহু ও হযরত আমীর মু'আবিয়া রদ্বিয়াল্লাহু আনহু'র বেলায় এ ধরনের কটুক্তি তো দূরের কথা, বরং হযরত মু'আবিয়া রদ্বিয়াল্লাহু আনহুকে রসূল আকরম সাল্লাল্লাহু আলায়হি ওয়াসাল্লাম 'ওহী' (ঐশীবাণী) লেখকগণের মধ্যে গণ্য করে এক বিরাট সৌভাগ্যের অধিকারী করেছেন। ইমাম আহমদ রহমাতুল্লাহি আলায়হি 'মুসনাদে আহমদ'-এ বর্ণনা করেছেন যে, রসূল আকরম সাল্লাল্লাহু আলায়হি ওয়াসাল্লাম হযরত মু'আবিয়া রদ্বিয়াল্লাহু আনহু'র জন্য এভাবে পরম করুণাময়ের দরবারে ফরিয়াদ করেছেন-

اللَّهُمَّ عَلِّمْ مَعَاوِيَةَ الْكِتَابَ وَالْحِسَابَ وَرَأَاهُ أَخِي فِي نَسَبِهِ
অর্থ: হে আল্লাহ! মু'আবিয়াকে কোরআন ও অঙ্কশাস্ত্রের জ্ঞান দান কর। |আন্নাহিয়া আন তা'য়ানে মু'আবিয়া পৃষ্ঠা-১৪

www.rahman.org

আল্লামা আবদুল আযীয ফরহাযতী রহমাতুল্লাহি আলায়হি।
তিরমিযী শরীফে বর্ণিত হাদীসে রসূলে করীম সাল্লাল্লাহু
আলায়হি ওয়াসাল্লাম হযরত মু'আবিয়া রদ্বিয়াল্লাহু আনহুর
জন্য এভাবে দু'আ করেছেন-

اللَّهُمَّ اجْعَلْهُ هَادِيًا وَمُهْدِيًا بِه النَّاسِ

অর্থাৎ: হে আল্লাহ! তুমি মু'আবিয়াকে হাদী এবং মাহ্দী
বানিয়ে দাও এবং তাঁর মাধ্যমে মানুষকে হিদায়ত দান কর।

[মিশকাত শরীফ : ৫৭৯ পৃষ্ঠা।]

তদুপরি, আবু বকর সিদ্দীক রদ্বিয়াল্লাহু আনহুর খিলাফতের
সময় থেকে হযরত ওসমান গনী রদ্বিয়াল্লাহু আনহুর
খিলাফতকাল পর্যন্ত বিশ বছর হযরত মু'আবিয়া রদ্বিয়াল্লাহু
আনহু গভর্নর'র গুরুদায়িত্ব সুষ্ঠু ও সুন্দরভাবে আনজাম
দিয়েছেন। [তারীখুল খোলাফা : ১৩৮ পৃষ্ঠা, কৃত: ইমাম জালালুদ্দীন সুহূতী।]

এতদসত্ত্বেও তাঁর শানে 'সাহাবী বা মুমিনের মর্যাদা দেয়া
যায় না' বলে মন্তব্য করা সাহাবা-ই রসূল'র প্রতি জঘন্যতম
বেআদবী বৈ আর কী? তবে মারোয়ান সাহাবী ছিলেন না।

[তারীখে ইসলাম : ১ম খণ্ড : মুফতী আমীমুল ইহসান।]

ইমাম আবদুল আযীয ইবনে আহমদ ফারহাযতী রহমাতুল্লাহি
আলায়হি মারওয়ান সম্পর্কে বলেন, ইতিহাসবেত্তাগণ
মারওয়ানের সৎকর্ম ও অপকর্ম উভয়দিক উল্লেখ করেছেন।
কিন্তু সৎকর্ম থেকে অপকর্মের সংখ্যা বেশি বলে
ঐতিহাসিকগণ মন্তব্য করেছেন। তারপরও এ যাবৎ কোন
নির্ভরযোগ্য মুহাদ্দিস ফক্বীহ এবং কোন ইমাম মারওয়ানের
বেলায় 'মুমিনের মর্যাদা দেয়া যাবেনা' মর্মে উক্তি করার
দুঃসাহস দেখাননি। যদিও মারওয়ানকে প্রিয়নবীর সাহাবা-ই
কেরামের মধ্যে অধিকাংশ ঐতিহাসিক ও মুহাদ্দিসীনে
কেরাম গণ্য করেননি। [আল্লাহিয়া আন তা'য়ানে মু'আবিয়া : ৪৫-৪৬ পৃষ্ঠা।]

সুতরাং 'আবু সুফিয়ান, হিন্দা, মু'আবিয়া ও মারওয়ান
চক্রকে সাহাবী বা মুমিনের মর্যাদা দেয়া যায়না' এ জাতীয়
উক্তি করা দীনধর্মকে হেয় করার সমতুল্য এবং সুস্পষ্ট সীমা
লঙ্ঘন।

পঃ: ৪১ হিজরিতে মু'আবিয়ার আদেশে মাওলা আলীকে
মু'আর খোতবায় গালিগালাজ করার প্রথা চালু হয় -এ
প্রথাটি ঠিক কিনা মন্তব্য করুন।

উত্তর: এ ধরনের উক্তি শিয়া-রাফেজী ও ষড়যন্ত্রকারীদের
হতে বিকৃত করে হযরত মু'আবিয়া রদ্বিয়াল্লাহু আনহুর
প্রতি অপবাদ দেয়া হয়েছে। বরং ঐতিহাসিকগণের
নির্ভরযোগ্য বর্ণনায় দেখা যায়, একদা হযরত আমীর
মু'আবিয়া রদ্বিয়াল্লাহু আনহুর দরবারে উপস্থিত সবাইকে
বললেন, যে ব্যক্তি হযরত আলী রদ্বিয়াল্লাহু আনহুর প্রশংসায়

যথাযোগ্য কবিতা আবৃত্তি করবে, আমি তাকে প্রতিটি
কবিতার বিনিময়ে হাজার দিনার প্রদান করব। উপস্থিত
কবিগণ হযরত আলী রদ্বিয়াল্লাহু আনহুর শানে কবিতা
আবৃত্তি করে প্রচুর পুরস্কার লাভ করল। কিন্তু হযরত
মু'আবিয়া রদ্বিয়াল্লাহু আনহু প্রতিটি কবিতা ও ছন্দ শ্রবণ
করার পর বলতেন 'عَلَيَّ أَفْضَلُ مِنْهُ' (কবিতা) 'র
চেয়েও আলী অনেক উত্তম'। অতঃপর উক্ত মজলিসে কবি
আমর বিন আস হযরত আলী রদ্বিয়াল্লাহু আনহুর প্রশংসা
সম্বলিত এমন একটি কবিতা রচনা করে আবৃত্তি করলেন যা
হযরত আমীর মু'আবিয়া রদ্বিয়াল্লাহু আনহুর নিকট খুবই
পছন্দ হল; ফলে উক্ত কবিতার বিনিময়ে উক্ত কবিকে
হযরত আমীর মু'আবিয়া রদ্বিয়াল্লাহু আনহু সাত হাজার
দিনার (স্বর্ণমুদ্রা) পুরস্কার প্রদান করলেন।

[আল্লাহিয়া আন তা'য়ানে মু'আবিয়া : ২৯ পৃষ্ঠা, কৃত: হযরত আবদুল আযীয।]

তবে ইমাম তাবারীর বর্ণনা মতে, হযরত আমীর মু'আবিয়া
রদ্বিয়াল্লাহু আনহুর নির্দেশক্রমে মিম্বরে ও জনসম্মুখে মাওলা
আলী রদ্বিয়াল্লাহু আনহুর বিরোধিতা করা ও মন্দ বলার প্রথা
চালু হওয়ার যে বিবরণ পাওয়া যায় তা ছিল সম্পূর্ণ ভিত্তিহীন
অথবা উভয়ের মধ্যে রাজনৈতিক দ্বন্দ্ব ও ভুল বুঝাবুঝি।
বিশেষত হযরত আমীর মু'আবিয়া রদ্বিয়াল্লাহু আনহুর
ইজতিহাদী ভুলেরই কারণ। অর্থাৎ এটা ছিল হযরত
মু'আবিয়া রদ্বিয়াল্লাহু আনহুর রাজনৈতিক দৃষ্টিভঙ্গি ও নেতৃত্ব
তাঁর অনুকূলে রাখার জন্য একটি কৌশল মাত্র। আসলে
মাওলা আলী রদ্বিয়াল্লাহু আনহুর শান-মান ও অসাধারণ
মর্যাদা-ব্যুর্গীর ব্যাপারে হযরত মু'আবিয়া রদ্বিয়াল্লাহু আনহুর
আন্তরিক শ্রদ্ধা-বিশ্বাসে বিন্দুমাত্র ফাঁক ছিলনা। যেমন বর্ণিত
আছে যে, একদা মাওলা আলী রদ্বিয়াল্লাহু আনহুর একনিষ্ঠ
এক বন্ধুকে হযরত মু'আবিয়া রদ্বিয়াল্লাহু আনহু বললেন,
তুমি আমাকে আলীর মহত্ব ও গুণাগুণ বর্ণনা কর। যখন তিনি
মাওলা আলী রদ্বিয়াল্লাহু আনহুর শান-মান ও সুমহান
মর্যাদাসমূহ বর্ণনা করে গুনালেন, হযরত আমীর মু'আবিয়া
রদ্বিয়াল্লাহু আনহু অনেক কাঁদলেন এবং বললেন, আল্লাহর
রহমত ও করুণা বর্ষিত হোক আবুল হাসান (হযরত আলী)
এর উপর। আল্লাহর শপথ! তিনি এ রকমই ছিলেন।

[তারীখে ইসলাম : ১ম খণ্ড, কৃত: মুফতী আমীমুল ইহসান।]

সুতরাং উপরিউক্ত বর্ণনাসমূহের প্রতি দৃষ্টি না করে
চালাওভাবে এ কথা বলা "৪১ হিজরিতে মু'আবিয়ার
আদেশে মাওলা আলীকে জুমু'আর খোতবায় গালি-গালাজ
করার প্রথা চালু হয়" -ভিত্তিহীন ও বিভ্রান্তিকর অথবা হযরত
আমীর মু'আবিয়া রদ্বিয়াল্লাহু আনহুর রাজনৈতিক কৌশলকে

বিশ্লেষণ

বিকৃত করে সাধারণ মুসলমানকে হযরত মু'আবিয়া রদিয়াল্লাহু আনহু ও সাহাবা-ই কেলামের ব্যাপারে বিভ্রান্তি ছড়ানোর পায়তারা ছাড়া কিছুই নয়।

প্রশ্ন: 'প্রিয়নবীজী ইসলামের বিপর্যয়ের কথা চিন্তা করেই তাঁর তিরোধানের পর মুসলমানগণ যাতে বিপদগ্রস্ত না হয়, এবং মুনাফিকরা যাতে ইসলামের নেতৃত্বে অধিষ্ঠিত হতে না পারে সে উদ্দেশ্যেই তিনি আল্লাহর হুকুমে তাঁর উত্তরাধিকারী মনোনয়ন করে গিয়েছিলেন। বিদায় হজ্জের পর মদীনা শরীফে ফেরার পথে 'গদীর-ই খোম' নামক স্থানে এক লক্ষ চত্ব্বিশ হাজার অনুসারীর সামনে রীতিমত অভিষেক অনুষ্ঠানের মাধ্যমে হযরত আলীকে 'মাওলা' উপাধিতে ভূষিত করেছিলেন এবং তাঁর অবর্তমানে মুসলমানদের ইমাম/খলীফা হিসেবে মনোনয়ন দান করেছিলেন। 'গদীর-ই খোম'র ওসীয়াতকে নবী করীম সাল্লাল্লাহু আলায়হি ওয়াসাল্লাম লিখিতরূপে দিয়ে যেতে চেয়েছিলেন। কিন্তু হযরত ওমর রদিয়াল্লাহু আনহুর বাধার কারণে সম্ভব হয়নি। এখন প্রশ্ন হল- হযরত সাল্লাল্লাহু আলায়হি ওয়াসাল্লাম কর্তৃক তাঁর অবর্তমানে হযরত আলী রদিয়াল্লাহু আনহুকেই মুসলমানদের ইমাম নির্বাচিত করা কি পরবর্তী খলীফাগণ মেনে নেননি? এ ব্যাপারে আপনার মতামত এবং হযরত সাল্লাল্লাহু আলায়হি ওয়াসাল্লাম'র ইতিকালের পর পরবর্তী খলীফা নির্বাচনের বিষয়টি বিস্তারিত বিবরণসহ পেশ করুন।

উত্তর: হুজুর পাক সাল্লাল্লাহু আলায়হি ওয়াসাল্লাম তাঁর অবর্তমানে হযরত আলী রদিয়াল্লাহু আনহুকে মুসলমানদের ইমাম বা খলীফা নির্বাচন করেছিলেন কি না, এ ব্যাপারে স্বয়ং হযরত আলী রদিয়াল্লাহু আনহু থেকে বর্ণিত হাদীস শরীফে হযরত আলী রদিয়াল্লাহু আনহু সুস্পষ্ট ভাষায় বলেছেন যে, হুজুর আকরম সাল্লাল্লাহু আলায়হি ওয়াসাল্লাম জীবদ্দশায় সুস্পষ্টভাবে কাউকে খলীফা নির্বাচিত করেননি। বরং এ গুরুদায়িত্ব মুসলমানের রায় ও পরামর্শের উপর ছেড়ে দিয়েছেন। সুতরাং আমিও তোমাদের উপর ছেড়ে দিয়েছি। (বর্ণনায় ইমাম আহমদ ও বাজ্জাজ রহমাতুল্লাহি আলায়হি) যদি এ কথা কিছুক্ষণের জন্য ধরে নেয়া হয় যে, রসূল আকরম সাল্লাল্লাহু আলায়হি ওয়াসাল্লাম জীবদ্দশায় শিয়া-রাফেজীদের ভ্রান্ত মতানুযায়ী গদীর-ই খোম'র ভাষণে বা অন্য সময়ে মাওলা আলী রদিয়াল্লাহু আনহুর জন্য খিলাফত বা ইমামতকে নির্দিষ্ট করে যান, তবে তা কি হযরত আবু বকর, ফারুক-ই আযম, ওসমান গনী ও হযরত আব্বাস রদিয়াল্লাহু আনহুমসহ বিশিষ্ট সাহাবীগণের মধ্যে কারো জানা ছিল না? রসূলে করীমের ওফাত শরীফের পর খলীফা

নির্বাচনের ব্যাপারে যখন আনসার ও মুহাজিরগণের মধ্যে পরামর্শ শুরু হল, তখন হযরত আলী বা আব্বাস রদিয়াল্লাহু আনহুমা উভয়ে প্রতিবাদ করলেন না কেন? জানের ভয়ে হক কথা লুকিয়ে রাখা বোবা শয়তানের দলে অন্তর্ভুক্ত হওয়া কি মাওলা আলী'র শান হতে পারে? কখনো না। অথচ, হুজুর আকরম সাল্লাল্লাহু আলায়হি ওয়াসাল্লাম'র ওফাত শরীফের পর খিলাফতকে কেন্দ্র করে আনসার-মুহাজিরগণের মধ্যে মতানৈক্য সৃষ্টি হলেও পরিশেষে সবাই হযরত আবু বকর সিদ্দীক রদিয়াল্লাহু আনহুর হাতে বাই'আত গ্রহণ করেন। স্বয়ং মাওলা আলী রদিয়াল্লাহু আনহু ইবনে হাব্বানের বর্ণনা মতে প্রথম পর্যায়ে, ইমাম বুখারী রহমাতুল্লাহি আলায়হির বর্ণনা মতে ছ'মাস পর হযরত আবু বকর সিদ্দীক রদিয়াল্লাহু আনহুর হাতে বাই'আত গ্রহণ করেছেন।

।ফাতহুল বারী ও তারীখে ইসলাম ১ম-৮পৃ. কৃত: মুফতী আমীমুল ইহসান।

সুতরাং হযরত আবু বকর সিদ্দীক রদিয়াল্লাহু আনহুর খিলাফতের উপর উম্মতের ইজমা বা দৃঢ় ঐকমত্য প্রতিষ্ঠিত হয়েছে বিধায় যারা সরকারে দু'আলম সাল্লাল্লাহু আলায়হি ওয়াসাল্লাম'র ইতিকালের পর সিদ্দীক-ই আকবর রদিয়াল্লাহু আনহুর খিলাফতকে অস্বীকার করে, আহলে সুন্নাত ওয়া জামা'আতের ইমামগণের মতে তারা কাফির ও বেঈমান হয়ে যাবে। (ফতহুল বারী ও হাশিয়ায়ে তারবীন ও ফতোয়ায়ে রজতিয়া ৯ম-৩৯৩পৃ) অতএব, এ ধরনের মন্তব্য করা, হযরত রসূল আকরম সাল্লাল্লাহু আলায়হি ওয়াসাল্লাম তাঁর অবর্তমানে হযরত আলী রদিয়াল্লাহু আনহুকে খলীফা বা মুসলমানগণের নেতা হিসেবে মনোনয়ন দিয়েছেন'- আসলে সিদ্দীক-ই আকবর রদিয়াল্লাহু আনহুর খিলাফতকে অস্বীকার করা নয় কি? গদীর-ই খোমে রসূল সাল্লাল্লাহু আলায়হি ওয়াসাল্লাম মাওলা আলী রদিয়াল্লাহু তা'আলা আনহুর ব্যাপারে বলেছেন- "আমি যার মাওলা আলীও তার মাওলা" (বর্ণনায় তিরমিযী ও ইবনে মাজাহ ইত্যাদি)। উক্ত হাদীস শরীফে 'মাওলা' আলী রদিয়াল্লাহু আনহুর শান ও ব্যাপক মর্যাদার কথা ব্যক্ত করা হয়েছে। গদীরে খোমের হাদীসের ব্যাখ্যায় ইবনে হাজার মক্কী রদিয়াল্লাহু আনহু ইবনে ইসহাক থেকে বর্ণনা করেন যে, যারা হযরত আলী রদিয়াল্লাহু আনহুর সাথে ইয়ামেন গিয়েছিলেন তাদের মধ্যে কয়েকজন সাহাবী হযরত আলী রদিয়াল্লাহু আনহুর উপর অসন্তুষ্ট হয়েছিলেন। ইমাম বুখারী রহমাতুল্লাহি আলায়হির বর্ণনায় দেখা যায়, হযরত বুরায়দা রদিয়াল্লাহু আনহু হযরত আলী রদিয়াল্লাহু আনহুর উপর অসন্তুষ্ট হয়ে অন্তরে মাওলা আলী রদিয়াল্লাহু আনহুর প্রতি বৈরিতা পোষণ করেছিলেন। তাদের এ সমস্ত অসন্তুষ্ট

প্রস্তাবনা করে মাওলা আলী রহিয়াল্লাহু আনহুহু সাথে তাদের আন্তরিকতা ও প্রীতিবন্ধনকে দৃঢ় করার জন্য গদীয়ে খোমে রসূলে আকরম সাল্লাল্লাহু আলায়হি ওয়াসাল্লাম হযরত আলী রহিয়াল্লাহু আনহুহুকে 'মাওলা' উপাধীতে ভূষিত করেন।

শাওকাতুল মুহররকা ও আসাহহন সিয়্যার : পৃষ্ঠা ৫৪৯

ওই হাদীস শরীফকে কোন সাহাবী এমনকি হযরত আলী রহিয়াল্লাহু আনহুহু নিজেই প্রিয় রসূল সাল্লাল্লাহু আলায়হি ওয়াসাল্লাম'র পৃথিবী থেকে আড়াল হওয়ার পর খেলাফতের জন্য প্রমাণ স্বরূপ পেশ করেননি। শরহে মাওয়াকিফ : পৃষ্ঠা ৭৮

গদীয়ে খোমের ওসীয়তকে নবী করীম সাল্লাল্লাহু আলায়হি ওয়াসাল্লাম লিখিতরূপে দিয়ে যেতে চেয়েছিলেন। কিন্তু হযরত ওমর রহিয়াল্লাহু আনহুহু বাধার কারণে সম্ভব হয়নি। এ ধরনের মন্তব্য হাদীসে রসূল সাল্লাল্লাহু আলায়হি ওয়াসাল্লাম'র অপব্যাক্যার শামিল। আসলে হাদীস শরীফটি ছিল নিম্নরূপ:

عَنْ ابْنِ عَبَّاسٍ رَضِيَ اللَّهُ عَنْهُمَا قَالَ لَمَّا اشْتَدَّ بِالنَّبِيِّ ﷺ وَجَعَهُ قَالَ اِتُونِي بِكِتَابِ اَكْتُبُ لَكُمْ كِتَابًا لَا تَضِلُّوْا بَعْدَهُ قَالَ عُمَرُ اِنَّ النَّبِيَّ ﷺ غَلِبَ الْوَجْعَ وَكِتَابَ اللّٰهِ حَسْبُنَا فَاخْتَلَفُوْا وَ كَثَرَ اللَّغْطُ قَالَ قَوْمُوْا عَنِّيْ وَلَا يَنْفَعِيْ عِنْدِي التَّزَاعُ

অর্থাৎ: হযরত ইবনে আব্বাস রহিয়াল্লাহু আনহুহু থেকে বর্ণিত যখন নবী করীম সাল্লাল্লাহু আলায়হি ওয়াসাল্লাম'র দরদ-ব্যথা বেড়ে গেল, তখন তিনি বললেন, তোমরা আমার নিকট একবানা কাগজ নিয়ে আস, আমি তোমাদের জন্য কিছু লিপিবদ্ধ করি, যার পর তোমরা পথভ্রষ্ট হয়ে না যাও। হযরত ওমর ফারুক রহিয়াল্লাহু আনহুহু বললেন, রসূল আকরম সাল্লাল্লাহু আলায়হি ওয়াসাল্লাম'র কষ্ট অত্যন্ত বেশি অনুভূত হচ্ছে। আমাদের জন্য আল্লাহর কিতাবই যথেষ্ট।

উপরোক্ত সাহাবা-ই কেবল মতানৈক্যে লিপ্ত হয়ে গেলেন এবং সেখানে তাঁদের আওয়াজ কিছু উঁচু হয়ে গিয়েছিল। রসূল সাল্লাল্লাহু আলায়হি ওয়াসাল্লাম বললেন, তোমরা আমার নিকট হতে উঠে যাও, আমার পার্শ্ব মতবিরোধ সীতান নয়। শরহে মুহররকা শরীফ : ১ম খণ্ড : ২২ পৃষ্ঠা।

লিখিত হাদীসে পাকে কি নিবন্ধে লেখার জন্য চেয়েছিলেন স্পষ্ট নয়। হাদীসের ব্যাখ্যাকারীগণের মধ্যে কেউ কেউ বলেন, রসূলে আকরম সাল্লাল্লাহু আলায়হি ওয়াসাল্লাম ধর্মীয় আওয়াজ প্রকরণী আহকাম ও বিষয়সমূহ লেখার জন্য

চেয়েছিলেন। কেউ কেউ বলেন, রসূলে খোদা সাল্লাল্লাহু আলায়হি ওয়াসাল্লাম ওফাত শরীফের পর খলীফাগণের নামসমূহ লেখার জন্য চেয়েছিলেন, যাতে পরবর্তীতে মতানৈক্য সৃষ্টি না হয়। কাতুল বারী কৃত: ইমাম ইবনে হাজার আনক্বলানী।

সুতরাং ওই হাদীসকে নির্দিষ্ট করে হযরত আলী রহিয়াল্লাহু আনহুহু খেলাফতের জন্য প্রমাণস্বরূপ পেশ করা হজুর করীম সাল্লাল্লাহু আলায়হি ওয়াসাল্লাম'র হাদীস শরীফের মনগড়া অপব্যাক্য। অথচ মাওলা আলী কাররামাল্লাহু ওয়াজহাহু, হযরত আব্বাস রহিয়াল্লাহু আনহুহু এবং আহলে বায়তে রসূলের কেউ উক্ত হাদীস শরীফকে মাওলা আলী রহিয়াল্লাহু আনহুহু খেলাফতের জন্য প্রমাণস্বরূপ বলে পেশ করেননি।

শাওকাতুল বারী ওমদাতুল ক্বারী ও শরহে মাওয়াকিফ ইত্যাদি।

তাহাজা ওই 'মাওলা' শব্দের অর্থ ইমাম বা খলীফা বলাও ভিত্তিহীন। এ অর্থটা শিয়াদের মনগড়া ও উদ্দেশ্য প্রণোদিত। এ হাদীসে 'মাওলা' মানে 'বন্ধু, প্রিয়জন, সাহায্যকারী' প্রভৃতি। সাওয়াকিফে মুহররকাহ ও আসাহহন সিয়্যার ইত্যাদি।

প্রশ্ন: "রসূল করীম সাল্লাল্লাহু আলায়হি ওয়াসাল্লাম'র ওফাতের পর তাঁর পবিত্র দেহ মুবারকের দাফন না সেরেই নবীজীর আহলে বায়তকে বাদ দিয়ে উমাইয়রা গভীর বড়বস্ত্রের মাধ্যমে ইসলামের প্রথম খলীফা নির্বাচন করেন।" এ উক্তিটি কি ঠিক?

উত্তর: এ ধরনের উক্তি অবশ্যই ষড়যন্ত্রমূলক এবং সাহাবা-ই রসূল বিশেষতঃ আনসার ও মুহাজিরীনে কেবলমাত্র শানে অপবাদ ছাড়া আর কিছুই নয়। কারণ নির্ভরযোগ্য ঐতিহাসিক, মুহাদ্দিসীন ও ফুক্বাহা-ই কেবলমাত্র চূড়ান্ত মতানুযায়ী সরকারে দু'আলম সাল্লাল্লাহু আলায়হি ওয়াসাল্লাম'র ওফাত শরীফের পর অধিকাংশ আনসার ও মুহাজিরীনের পরামর্শ ও সিদ্ধান্ত মুতাবেক প্রথম খলীফা হযরত আবু বকর সিদ্দীক রহিয়াল্লাহু আনহুহু নির্বাচিত হন।

ভারীখে ইসলাম, ভারীখুল বুলাফা ও আসাহহন সিয়্যার ইত্যাদি।

সুতরাং এ জাতীয় মন্তব্য করা সকল সাহাবা-ই কেবলমাত্র তথা আনসার মুহাজিরীনের মান-মর্যাদার প্রতি অবমাননা। বিশেষতঃ হযরত আবু বকর রহিয়াল্লাহু আনহুহু খেলাফতকে অস্বীকার করার নামান্তর, যা স্পষ্ট বেঈমানী ও গোমরাহী।

প্রশ্ন: মু'আবিয়াই হল ইসলামের মূল্যবোধ ধ্বংস করার, নবী করীম সাল্লাল্লাহু আলায়হি ওয়াসাল্লাম'র বংশধরদের হত্যার নীলনকশা প্রদানকারী ও ক্ষমতা ছিনিয়ে নেওয়ার এবং সর্বোপরি কারবালার হৃদয়বিদারক ঘটনার মূল নায়ক।" এ উক্তিটির ব্যাপারে আপনার মতামত কি?

উত্তর: আসলে এ ধরনের উক্তি হযরত আমীর মু'আবিয়া

www.dawateislami.net

বিশ্লেষণ

রদ্বিয়াল্লাহু আনহু'র প্রতি ষড়যন্ত্র ও কুচক্রীদের জঘন্যতম অপবাদস্বরূপ। খারেজী-রাফেজী ছাড়া এ যাবত আহলে সুন্নাত ওয়া জামা'আতের কোন ইমাম এ জাতীয় উক্তি কখনো উচ্চারণ করেননি। যদিও মাওলা আলী রদ্বিয়াল্লাহু আনহু'র সাথে হযরত মু'আবিয়া রদ্বিয়াল্লাহু আনহু'র যুদ্ধ-বিগ্রহ হয়েছে এবং আমীর মু'আবিয়া রদ্বিয়াল্লাহু আনহু'র ওফাতের পূর্বেই ইয়াযীদদের জন্য নেতৃত্ব চূড়ান্ত করেছেন। এটা ছিল তাঁর ইজতিহাদী ভুল। যেহেতু তিনি নিজেই একজন ফকীহ ও মুজতাহিদ ছিলেন। যেমন ইবনে আব্বাস রদ্বিয়াল্লাহু আনহু'র থেকে হযরত মু'আবিয়া রদ্বিয়াল্লাহু আনহু'র সম্পর্কে জানতে চাইলে ইবনে আব্বাস রদ্বিয়াল্লাহু আনহু'র উত্তরে বলেন, অবশ্যই তিনি (মু'আবিয়া) একজন ফকীহ ও মুজতাহিদ ছিলেন। [মিশকাত শরীফ : ১২২ পৃষ্ঠা।]

এ কথা চিরসত্য যে, মুজতাহিদগণের ইজতিহাদীভুল ধর্তব্য নয়, বরং ইজতিহাদী ভুলেও মুজতাহিদীন-ই কেবাম একটা পুরস্কার পেয়ে থাকেন (নূরুল আনওয়ার)। সুতরাং এ ধরনের ব্যাপারকে কেন্দ্র করে হযরত আমীর মু'আবিয়া রদ্বিয়াল্লাহু আনহু'র শানে সামান্যতম কটুক্তি ও অশ্রদ্ধাবোধ করা যাবে না। এটাই আহলে সুন্নাত ওয়া জামা'আতের সর্বসম্মত সিদ্ধান্ত। পরহে মাওয়াকিফ ও শরহে আকাইদে নাসাফী।

আল্লামা আবু ইসহাক রহমাতুল্লাহি আলায়হি 'নূরুল আইন ফী মাশহাদিল হুসাইন' কিতাবে বর্ণনা করেন- হযরত আমীর মু'আবিয়া রদ্বিয়াল্লাহু আনহু'র ইতিকালের পূর্বে ইয়াযীদ জিজ্ঞেস করল, আপনার পরে খলীফা কে হবে? আমীরে মু'আবিয়া রদ্বিয়াল্লাহু আনহু'র তদুত্তরে বলেন- "তুমি হবে তবে আমার কিছু কথা মনোযোগ সহকারে শ্রবণ কর।" কোন কাজই ইমাম হুসাইনের পরামর্শ ছাড়া করবে না। ইমাম

হুসাইনের খোজখবর প্রথম নম্বরে স্থান দিবে। ইমাম হুসাইন এবং তাঁর পরিবারবর্গের সাথে ভাল ব্যবহার করবে।"

সুতরাং উপরোক্ত বর্ণনার পরিপ্রেক্ষিতে পরিস্কার হয়ে যায় যে, যেভাবে কেনান কাফেরের (হযরত নূহ আলায়হিস সালাম'র পুত্র) কারণে আল্লাহ'র পয়গম্বর হযরত নূহ আলায়হিস সালামকে দোষারোপ করা যাবে না। তদ্রূপ নবী বংশধরের হত্যাকারী বিশেষত কারবালার হৃদয় বিদারক ঘটনার মূলনায়ক পথভ্রষ্ট ইয়াযীদদের কারণে হযরত মু'আবিয়া রদ্বিয়াল্লাহু আনহু'র শানে আক্রমণ করা যাবে না। এটাই আহলে সুন্নাত ওয়া জামা'আতের চূড়ান্ত ফায়সালা। আসলে উপরোক্ত উক্তিসমূহ শিয়া-রাফেজীদের মাওলা আলী রদ্বিয়াল্লাহু আনহু'র ও আহলে বায়তে রসূলের প্রতি অধিকতর ভালবাসার নামে এক অশুভ ও ভ্রান্ত চক্রান্ত। সুতরাং এ ধরনের ভ্রান্ত চক্রান্তের ব্যাপারে ইশিয়ার থাকার জন্য প্রত্যেক মুসলমানের প্রতি আহ্বান রইল।

পরিশেষে, হযরত আলী রদ্বিয়াল্লাহু আনহু'র ও আমীর মু'আবিয়া রদ্বিয়াল্লাহু আনহু'র মধ্যে যে ইজতিহাদী মতানৈক্য সৃষ্টি হয়, তজ্জন্য নির্বিচারে আমীর মু'আবিয়ার প্রতি মন্দধারণা পোষণ করা, তাঁর প্রতি আশালীন মন্তব্য করা জঘন্যতম অপরাধ ও গোমরাহীর শামিল। ঈমানদার মাত্রই একথার প্রতি লক্ষ্য রাখবেন যে, হযরত আমীর মু'আবিয়া একাধারে প্রিয়নবীর প্রিয় সাহাবী, কাতেবে ওহী, ইসলামের জন্য নিবেদিত প্রাণ ও অগণিত অবদানের স্বাক্ষর স্থাপনকারী। খোদ আমীর মু'আবিয়ার ইজতিহাদ এ সত্যকে নির্দিধায় মান্য করে সুন্নী মুসলমান আর প্রত্যাখ্যান করে মহাভ্রান্ত শিয়া ও তার দোসররা। আল্লাহ পাক সত্যের উপর অটল রাখুন; আমীন।